

# Josua

## Isrel ämawebetä kome iwoyän yämani u koreŋkuŋ

### 24

*Josua 24:1-2, 14-24*

*Ämawebe Yawe iwatta yänkehärom taŋkuŋ*

<sup>1</sup> Eruk Josuatä Isrel ämawebe yänpäbä Sekem komeken kubäkengän yepmaŋkuk. Täŋkaŋ äma ekäni ekäni ba intäjukun äma ba man yäpmän daniwani äma imaka, yänpäbä yepmaŋpänkaŋ Anutu iŋamiken itkuŋ. <sup>2\*</sup> Ude irirä Josuatä ŋode yäwetkuk; Yawe, Isrel täŋo Anututä ŋode yäyak; Bianinik Abrahamkät Naho täŋo nani wäpi Tera ukät orajije ätu Yufretis ume ani kukŋi udude itkaŋ anutu jopi-jopi yäniŋ oret täŋkuŋonik.

... <sup>14\*</sup> Täŋpäkaŋ Josuatä man u yän paotpän ŋode yäwetgän täŋkuk; Eruk, Yawetagän umuntaŋpäŋ iniken kädet iwattagän bänepjin nadäk-nadäkjin kubägän pewut. Täŋkaŋ anutu jopi-jopi äbekjiye orajiyetä Yufretis ume ani kukŋi udude itkaŋ yäniŋ oret täŋkuŋo ba Isip komeken itkaŋ gwäjin äpmon yämik täŋkuŋo u ureŋ täŋpä kwäpäŋ Yawe täŋo gämorikengän it täkot. <sup>15</sup> Täŋ Yawe täŋo gämorikengän kuŋatta gäripi nämo nadänpäŋä ket nadäwut; Apiŋo netä gämoriken api itne yän siwoŋi

\* 24:2: Stt 11:27 \* 24:14: Stt 17:1; Kis 20:3-4; Sam 111:10; Apos 9:31; Efe 6:24; Plp 1:10

yäwut. Äbekjiye orajiyetä ume udude käda itkañ anutu jopi yäniñ oret täñkuño u ba Amo ämawebe, komeni korenpañ itkañken ñonitäño anutu jopi u gämoriken api itneñ? Upañkañ näkñata ñode yäyat; Näkña ba webena nanaknaye ninäwä Yawe gämorikengän itkañ watä piä unitagän api täñ imine.

<sup>16</sup> Josuatä ude yäweränä ämawebe päke unitä yänkuñ; Nämö! Ninä Yawe mäde ut imiñpañ anutu jopi-jopi gämoriken nämoinik api itne. <sup>17</sup> Yawe Anutinin ini uwä nin ba äbekniye oraniye Isip kome komi epänken nanik nimagutpañ kudän kudupi pähap täñirän dapunintä kañkumän. Täñkañ ämä ätutä komeken kadäni käroni kuñatkumänken u Yawetä watä säkgämän it nimiñkuk. <sup>18</sup> Ude täñkañ Yawetä Amo nanik ba kome ätu täño kome mähem yäwat kirenpañ komeni nimiñkuk. Unita nin imaka, Yawe gämoriken itkañ unita watä piä api täñ imine, u nintäño Anutu unita.

<sup>19</sup> \* Ude yänirä Josuatä yäwetkuk; Inä Yawe gämoriken jop täga nämö api itneñ. Anutu uwä siwonji kudupiinik. U ämawebeniyetä anutu ätu nadän yämikta bitnäkinik täk täyak. Ude tänayän täño uwä peñawäkjin täño momi täga nämö api peñ tamedäk yäk. <sup>20</sup> Nadäkañ? Täga täñ tamik täyak upañkañ Yawe mäde ut imiñkañ kome ätu täño anutu jopi yäwatnayän täño uwä Yawe uwä äyänutpañ in täñpän wawäpañ api tadäpmän morewek yäk.

<sup>21</sup> Ude yäweränä ämawebetä Josua ñode iwetkuñ; Nämoinik! Ninä Yawe gämorikengän itkañ unita

---

\* **24:19:** Mat 6:24; Luk 14:25-33

watä piä api täj imine. <sup>22</sup> Ude yäwäwä Josuatä yäwetkuk; Injin-tägän yänjahänpän Yawe gämoriken itta yänkehäromtak man yäkañ. Ude yäweränä yänkuñ; Ei, ninin yäkamän ude!

<sup>23</sup> \* Tänpäkañ Josuatä äneñi ñode yäwetgän tänkuk; Ude yäkañ unita äma ätu täño anutu jopi in bämopjinken itkañ u ureñ tänpä kwäpäñ bänepjin Isrel täño Anutu Yawe unitagän iniñ kirewut. <sup>24</sup> Ude yäweränä ämawebe päke unitä Josua iwetkuñ; Nin Yawe Anutunin unitäño gämorikengän itkañ mani api buramine yäk.

---

\* 24:23: 1Ko 10:20-21; Hib 12:28-29

**Anutu Täŋo Man**  
**The New Testament and portions of the Old Testament**  
**in the Tuma-Irumu Language of Papua New Guinea**  
**Nupela Testamen na sampela Olpela Testamen long**  
**long tokples Tuma-Irumu long Niugini**

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 3 Mar 2023 from source files dated 9 Oct 2020

914cbf46-f59a-54d1-b209-0f763534edb5